

## ԱՄՓՈՓԱԳԻՐ

### «ՍՅՈՒՆՅԱՑ ԵՐԿԻՐ» ԿԱՅՔՈՒՄ ՆԿԱՏՎԱԾ ԼԵԶՎԱԿԱՆ ՍԽԱԼՆԵՐԻ

*Կայքում նկատվել են լեզվական որոշակի անճշտություններ:*

*Ամփոփագիրը կազմելիս վրիպակներին ուշադրություն չենք դարձրել, իսկ կետադրական սխալներին անդրադարձել ենք այն դեպքում, երբ բերված օրինակներում եղել են նաև այլ անճշտություններ:*

*Ստորև ներկայացնում ենք նկատված սխալների օրինակներ:*

#### **ՔԵՐԱԿԱՆԱԿԱՆ ՍԽԱԼՆԵՐ**

*«Թիմում արդեն ընդգրկված են շուրջ 30 սան՝ յոթ տարեկանից մինչև 16 տարեկան» («Սյունիք» ֆուտբոլային ակումբի աղջիկների թիմը», 07.03.2024):*

*Կա թվային անհամաձայնություն:*

*Կա՛մ պետք էր գրել «**ընդգրկված է** շուրջ 30 **սան**», կա՛մ՝ «**ընդգրկված են** շուրջ 30 **սաներ**»:*

*«Ցանկություն կա ընդլայնել աղջիկների թիմի ընդգրկվածության աշխարհագրությունը ....» («Սյունիք» ֆուտբոլային ակումբի աղջիկների թիմը», 07.03.2024), «.... «Սյունյաց երկիր» թերթի հատուկ համարի նախապատրաստության ընթացքում **անհրաժեշտություն առաջացավ գրուցել ՀՀ ԿԳՄՍ նախարարի տեղակալ Կարեն Գիլոյանի հետ**» («Սյունիքի մարզաշխարհը. հարցազրույց ՀՀ ԿԳՄՍ նախարարի տեղակալ Կարեն Գիլոյանի հետ», 13.03.2024), «.... **անհրաժեշտություն է առաջացել որոշակիացնել ԿԳՄՍ նախարարության դիրքորոշումը ....**» (նույն տեղում), «Նախաձեռնությունը **նպատակ ուներ բացահայտել** համայնքի շնորհալի կանանց ....» («Կանայք հանդես եկան ....», 08.04.2024):*

*Բոլոր օրինակներում կա խնդրառական անճշտություն:*

Պետք էր գրել. «**Ցանկություն կա** (ինչի՞) **ընդլայնելու** ....», «.... **անհրաժեշտություն առաջացավ գրուցելու** ....», «.... **անհրաժեշտություն է առաջացել որոշակիացնելու** ....», «.... **նպատակ ուներ բացահայտելու** ....»:

«Պիեսն *ինքը* ծայրից ծայր ....» («Առաջնախաղ՝ Գորիսի թատրոնի բեմում», 30.03.2024):

Մեր լեզվում վերջերս բավական հաճախ հանդիպող սխալներից է:

*ինքը*-ն անձնական դերանուն է: Չի կարող փոխարինել առարկա ցույց տվող բառերի: Այստեղ այն նաև ավելորդ է:

Կարելի էր գրել. «**Պիեսը ծայրից ծայր** ....»:

«Եվ 69 դիմորդից առկա ուսուցման *բաժնում* քանի՞սն ընդունվեց» («Հարցազրույց ՀԱՊՀ Կապանի մասնաճյուղի տնօրեն Լեոնիկ Պետրոսյանի հետ», 22.03.2024):

Ճիշտ կլիներ նշված բառը գործածել ուղղական հոլովով, որովհետև ընդունվում են ոչ թե բաժնում, այլ բաժին («Եվ 69 դիմորդից առկա ուսուցման *բաժին* քանի՞սն ընդունվեց»):

## ՈՒՂՂԱԳՐԱԿԱՆ ՍԽԱԼՆԵՐ

«Խնդրո առարկայի վրա ենք հրավիրում նաև Հայաստանի Հանրապետության *կառավարության* ....» («Ի՞նչ ճակատագիր է *սպասվում* Սուրբ Մովսես Տաթևացու (Խոտանանցու) շիրմին ....», 18.03.2024):

Տվյալ դեպքում *կառավարություն* բառը պետք էր գրել մեծատառով՝ որպես գործադիր իշխանության բարձրագույն մարմնի անուն:

Անճշտություն կա նաև վերնագրում:

Հարկավոր էր գրել. «Ի՞նչ ճակատագիր է *սպասում* ....»:

Համանման դեպքերի մասին Լեզվի կոմիտեն հրապարակել է հորդորակ<sup>1</sup>, որն առաջարկում ենք ընթերցել:

«Տարվա մեջ կնախաձեռնենք նաև *մանկա-պատանեկան* ներկայացումների շարք ...» («Առաջնախաղ՝ Գորիսի թատրոնի բեմում», 30.03.2024):

Նշված բառը գրվում է առանց գծիկի, միասին՝ **մանկապատանեկան**:

Ի դեպ, կայքի այլ նյութերում այսպես էլ գրված է:

### ՍԽԱԼ ՁԵՎԱԿԵՐՊՈՒՄՆԵՐ

«Սկզբից մեկ-երկու հոգի էին կամեցել *մասնակցել թիմին*» (««Սյունիք» ֆուտբոլային ակումբի աղջիկների թիմը», 07.03.2024):

Թիմին չեն մասնակցում:

Նախընտրելի է նման դեպքերում *սկզբից*-ի փոխարեն գրել **սկզբում**:

Պետք էր կա՛մ գրել. «Սկզբում մեկ-երկու հոգի էին կամեցել **անդամակցել (միանալ) թիմին**», կա՛մ, օրինակ. «Սկզբում մեկ-երկու հոգի էին կամեցել **մասնակցել թիմի խաղերին (հանդիպումներին)**»:

«Ներկայացումն *ընթանում էր* գունային հետաքրքիր ու տպավորիչ *էֆեկտներով*, պարզության մեջ խորհրդավոր *դեկորներով*, մեկ՝ տազնապալի, մեկ՝ խաղաղավետ *երաժշտությամբ*, ինչը կլանված էր պահում հանդիսատեսին, *գեղարվեստական հյուսվածքի անկանխատեսելի ելևէջներով* փանում սյուժեի *հանգուցալուծմանը*» («Առաջնախաղ՝ Գորիսի թատրոնի բեմում», 30.03.2024):

Անճշտությունները մի քանիսն են: Ըստ շարադրանքի՝ ներկայացումն ընթանում էր *էֆեկտներով, դեկորներով, երաժշտությամբ*:

Ճիշտ չէ *գեղարվեստական հյուսվածքի ելևէջներով* հանգուցալուծման տանել ձևակերպումը, իսկ սյուժեն, օրինակ, զարգանում է, այլ ոչ հանգուցալուծվում:

Նախադասությունը պետք էր շարադրել ամբողջովին այլ կերպով:

<sup>1</sup> Լեզվիկոմիտե.huj//www.langcom.am, <https://tinyurl.com/4wnubab2>

«.... կարողացել է .... զավակներին անսահման սիրող ու նրանց հավատացող մոր հավերժական *կերպարը տալ*» («Առաջնախաղ՝ Գորիսի թատրոնի բեմում», 30.03.2024):

Կերպարը կարելի է, օրինակ, ***սպեղծել, կերտել, մարմնավորել, ներկայացնել***, բայց ոչ տալ:

«.... մնում է *դարի ձգող* գորիսյան թատրոնն արդարացնի գորիսեցի հանդիսատեսի հույսերն ու ....» («Առաջնախաղ՝ Գորիսի թատրոնի բեմում», 30.03.2024):

Անհասկանալի է, թե ի՞նչ է նկատի առնված *դարի ձգող* ասելով:

Ասելիքը պետք էր ձևակերպել այլ ձևով:

«Տուն-թանգարանի *հաստիքների կարգավորման, աշխատակազմի բարոյահոգեբանական մթնոլորտի* մասին էլի ենք խոսել, կարելի՞ է դրանք համարել *լուծված*» («Ակսել Բակունց –125 ....», 11.04.2025):

Հաստիքները չեն կարգավորվում, իսկ աշխատակազմը *բարոյահոգեբանական մթնոլորտ* չի ունենում:

Բացի այս, լուծվել կարող էին ոչ թե դրանք, այլ, օրինակ, դրանց վերաբերող հարցերը:

«Ի՞նչ կասեք տուն-թանգարանի ցուցասրահի, նրա նոր ցուցադրությունների, առհասարակ, բակունցյան *մասունքները վեր հանելու* ձեր առաքելության մասին» («Ակսել Բակունց –125 ....», 11.04.2025):

Ճիշտ չէ, անհասկանալի է *մասունքները վեր հանել* արտահայտությունը:

Միտքը պետք էր ձևակերպել այլ կերպով:

«Հաջողվում է բակունցյան նոր *հիշողություններ հայտնաբերել շառավիղից դուրս եկած* .... ժամանակներում» («Ակսել Բակունց-125 ....», 11.04.2025):

Ժամանակն իր **շավղից** է դուրս եկել (սայթաքել), ինչպես ասում էր Համլետը, այլ ոչ շառավղից:

Ճիշտ չէ նաև *հիշողություններ հայտնաբերել*-ը: Խոսքը հավանաբար Բակունցի հետ կապված հուշերի մասին է: Եթե նկատի է առնված դա, նախադասությունը կարելի էր կազմել այսպես. «Հաջողվում է **Բակունցի մասին նոր հուշեր հայտնաբերել շավղից դուրս եկած** .... ժամանակներում»:

### **ԲԱՌԱԳՈՐԾԱԾՈՒԹՅԱՆ ՍԽԱԼՆԵՐ**

«.... անդեմության ու անհոգության հանդեսը շարունակելուն միտված ջանքերը, *կարծեք*, այլևս սպասված արդյունքը չեն տալիս» («Ի՞նչ ճակատագիր է սպասվում Սուրբ Մովսես Տաթևացու ....», 18.03.2024):

*Կարծեք* եղանակավորող բառ չկա: Ճիշտ է ասել և գրել **կարծես**:

«.... ադրբեջանցի փախստականները կվերադառնան Սյունիք, որը ժողովրդագրական արհեստական փոփոխության *շնորհիվ* մեր երկրամասը բռնազավթելու նոր ուղի կբացի» («Հայացք Սյունիքից. Ռուսաստանի և Իրանի հետ ռազմաքաղաքական ....», 14.03.2024):

Քանի որ *շնորհիվ* բառը ենթադրում է գործողության դրական հետևանք (արդյունք), ուստի այստեղ հարկավոր էր գործածել *պատճառով* կամ *հետևանքով* բառերից որևէ մեկը:

Ճիշտ կլիներ նաև *որը* շաղկապի փոխարեն գրել *ինչը* («.... ադրբեջանցի փախստականները կվերադառնան Սյունիք, **ինչը** ժողովրդագրական արհեստական փոփոխության *պատճառով* մեր երկրամասը բռնազավթելու նոր ուղի կբացի»):

### **ԼԵՉՎԱՏՐԱՄԱԲԱՆԱԿԱՆ ՍԽԱԼՆԵՐ**

«Եվ գլխավորը՝ մենք *ի վիճակի՞* ենք Թուրքիայի և Ադրբեջանի կողքին ունենալ ևս մեկ թշնամի ....» («Հայացք Սյունիքից ....», 14.03.2024):

*Ի վիճակի*-ն կարող լինելն է, բայց այստեղ կարող լինելու հարց չկա:

Նախադասությունը կարելի էր կազմել այսպես. «Եվ գլխավորը՝ **մեզ հարկավոր է Թուրքիայի և Ադրբեջանի կողքին ունենալ ևս մեկ թշնամի ....**»:

Իսկ *ի վիճակի*-ն գործածելու դեպքում նախադասությունը պետք էր շարունակել այլ տրամաբանությամբ և գրել, օրինակ. «Եվ գլխավորը՝ մենք **ի վիճակի**՝ ենք Թուրքիայի և Ադրբեջանի կողքին **դիմակայելու** ևս մեկ թշնամու ....»:

«Չի կարելի *հենց այնպես հնչեցված որևէ հարց թողնել* անպատասխան կամ անհետևանք» («Հայացք Սյունիքից ....», 14.03.2024):

Անհարթ շարադրանքի պատճառով ասվածը դարձել է առնվազն երկիմաստ:

Ճիշտ կլիներ գրել այսպիսի շարադասությամբ. «Չի կարելի **հնչեցված որևէ հարց հենց այնպես թողնել** անպատասխան կամ անհետևանք»:

«Մարտի 27-ին՝ *Թափրոնի միջազգային օրը*, Գորիսի Վ. Վաղարշյանի անվան պետական դրամատիկական թատրոնի դահլիճում *բեմադրվեց* չեխ դրամատուգ Կարել Չապեկի «Մայրը» *պիեսի ներկայացման առաջնախաղը*» («Առաջնախաղ՝ Գորիսի թատրոնի բեմում», 30.03.2024):

Բեմադրվում է ոչ թե առաջնախաղը, այլ, օրինակ, պիեսը:

Ճիշտ չէ *պիեսի ներկայացում* ձևակերպումը, իսկ *դահլիճում բառը* տվյալ դեպքում ավելորդ է:

Կա նաև ուղղագրական անճշտություն. *Թափրոնի միջազգային օրը*-ը հարկավոր էր գրել մեծատառով:

Նախադասությունը կարելի էր կազմել, օրինակ, այսպես. «Մարտի 27-ին՝ Թատրոնի միջազգային օրը, Գորիսի Վ. Վաղարշյանի անվան պետական դրամատիկական թատրոնում **կայացավ** չեխ դրամատուգ Կարել Չապեկի «Մայրը» **պիեսի հիման վրա բեմադրված ներկայացման առաջնախաղը**»:

«Գլխավոր դերում մայրն է, ով այդ կոիվներում կորցնում է ամուսնուն ու իր չորս զավակին.... » («Առաջնախաղ՝ Գորիսի թատրոնի բեմում», 30.03.2024):

Դերում լինում է դերասանը, եթե խոսքը չունի փոխաբերական իմաստ: Տվյալ դեպքում թերևս ճիշտ կլիներ գրել. «**Գլխավոր հերոսը մայրն է ....**»:

## **ՕՏԱՐԱԲԱՆՈՒԹՅՈՒՆՆԵՐ**

«Նրա *փոխանցմամբ*՝ այժմ մարզադպրոցի հարթակը և ցատկուղին համապատասխանում են միջազգային չափանիշներին ....» («Կապանում անցկացված բաց առաջնությունը տվեց իր պտուղները», 01.04.2024):

Տվյալ դեպքում փոխանցելու ոչինչ չկա:

Մեր խոսքում բավական տարածված այս սխալի պատճառն օտար լեզուների ազդեցությունն է: Ուղղակի պատճենումները հաճախ աղավաղում են մեր լեզվամտածողությունը: Սա հարկավոր է նկատի ունենալ և զգուշանալ:

Այստեղ կարելի էր ասել, օրինակ. «**Ըստ նրա՝** այժմ մարզադպրոցի հարթակը և ցատկուղին համապատասխանում են ....»:

«Հիմնախնդիրների մասին ենք խոսում, բայց թիվ մեկ հիմնախնդիրը ոչ միայն ձեր բուհում, այլև ամբողջ Հայաստանում *կոնտրոլի* հարցն է» («Հարցազրույց ՀԱՊՀ Կապանի մասնաճյուղի տնօրեն Լեռնիկ Պետրոսյանի հետ», 22.03.2024):

*Կոնտրոլի* բառի հայերեն համարժեքները *քանակակազմ*, *հավաքակազմ* բառերն են: Այստեղ ճիշտ կլիներ գործածել ***քանակակազմ***-ը:

Լեզվական վերահսկողության բաժնի  
գլխավոր մասնագետ՝ Գուրգեն Միքայելյան